



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA



FEDERATA E BASKETBOLLIT TË KOSOVËS
KOŠARKAŠKI SAVEZ KOSOVA
BASKETBALL FEDERATION OF KOSOVO

Nr. 348 Dt. 18.06.2021

PRISHTINË • PRISTINA • PRISTINA

RREGULLORJA PËR PËRFAQESUESET E KOSOVËS



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Në bazë të nenit 21 pika 1 të Statutit të Federatës së Basketbollit të Kosovës, Bordi i FBK-së në mbledhjen e vet të mbajtur më 07.06.2021 në Prishtinë aprovoi:

I. DISPOZITAT THEMELORE

Neni 1

Me Rregulloren e Përfaqësueseve të Kosovës (në tekstin e mëtejme: Rregullorja), përcaktohen:

- Kategoritë dhe emërtimet e Përfaqësueseve.
- Obligimet e klubeve përballë Përfaqësueseve.
- Obligimet e basketbollistëve/basketbollisteve përballë Përfaqësueseve.
- Drejtori, përzgjedhësit dhe shtabet profesionale të Përfaqësueseve.
- Delegacioni i Federatës së Basketbollit të Kosovës dhe udhëheqësit e rrugës të Përfaqësueseve.
- Kodi i Sjelljes në Përfaqësueset shtetërore.

Neni 2

Përfaqësueset e basketbollit e përfaqësojnë Republikën e Kosovës, Federatën e Basketbollit të Kosovës (në tekstin e mëtejme: FBK) dhe sportin kosovar në garat dhe paraqitjet ndërkombëtare.

Neni 3

Të qenit pjesë e Përfaqësueseve të Kosovës në basketboll është nder dhe obligim i secilit basketbollist dhe basketbolliste, secilit anëtar të shtabit profesional, si dhe të çdo anëtari tjetër të FBK-së.

Është obligim i secilit anëtar të FBK-së që të siguroj kushte optimale për punë dhe suksese të Përfaqësueseve. Suksesi i Përfaqësueseve është prioritet për Federatën e Basketbollit të Kosovës, në veçanti kur bëhet fjalë për kalendarin e garave zyrtare të FIBA-s.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Neni 4

Me emërtimin Përfaqësuese nënkuptohet:

1. Përfaqësuesja A e Meshkujve.
2. Përfaqësuesja A e Femrave.
3. Përfaqësuesja U20 e Meshkujve.
4. Përfaqësuesja U20 e Femrave.
5. Përfaqësuesja U18 e Meshkujve.
6. Përfaqësuesja U18 e Femrave.
7. Përfaqësuesja U16 e Meshkujve.
8. Përfaqësuesja U16 e Femrave.

FBK sipas nevojës mund të krijoj edhe Përfaqësuese të tjera (U14, U15, mesdhetare, studentore, ushtarake, policore etj), por assesi klubi, apo ndonjë klub i qytetit apo regjionit nuk mund të emërtoj veten Përfaqësuese dhe të garoj me këtë emër.

Neni 5

Ngjyrat e fanellave dhe veshmbathjeve të tjera sportive të Përfaqësueseve janë kaltër, verdhë dhe bardhë.

Stema shtetërore e Republikës së Kosovës, logo e FBK-së dhe logo e FIBA-s vendosen sipas manualit të FIBA-s.

Neni 6

Përfaqësuesen e përbejnë lojtarët e përzgjedhur, përzgjedhësi, Drejtori dhe anëtarët e shtabit Profesional, si dhe gjyqtari në rast se delegohet nga FIBA.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Në rast se gjyqtari është anëtar i Përfaqësueses, sipas alinesë paraprahe të këtij neni, ka të drejta dhe obligime të ngjashme sikur të anëtarëve të Përfaqësueses (shpenzimet e transportit, dhe akomodimit).

Gjyqtarët për turne dhe ndeshjet miqësore i delegon Bordi i FBK në bazë të propozimit të Shoqatës së Gjyqtarëve të Basketbollit të Kosovës, përpos në rastet kur ata i delegon FIBA.

II. OBLIGIMET E KLUBEVE

Neni 7

Është obligim i çdo klubi, amator apo profesional, që për zbatimin e programit të aktiviteteve të Përfaqësueses, të vë në dispozicion të FBK-së të gjithë lojtarët e përzgjedhur si dhe tërë potencialin profesional dhe potencialin tjetër në arritjen e sukseseve të Përfaqësueses.

Neni 8

Sistemi i garave në të gjitha garat e FBK-së do të përgatitet dhe miratohet në koordinim të plotë me kalendarin e garave zyrtare të FIBA-s në interes të Përfaqësuesëve të Kosovës.

Neni 9

Obligim i secilit klub, amator apo profesionale është që t'i përmbahet kalendarit të miratuar, të cilin e ka miratuar Bordi i FBK-së.

Neni 10

Anëtarit (basketbollistit, trajnerit, mjekut, fizioterapeutit, ekonomit etj) të përzgjedhur në Përfaqësuese, klubi është i obliguar që ti mundësoj pjesëmarrjen në programin, duke përfshirë, përgatitjet, ndeshjet miqësore dhe garat e Përfaqësuesëve.

Klubi përgjatë kohës që lojtari, trajneri, mjeku, fizioterapeuti, ekonomi etj janë të angazhuar në Përfaqësuese, nuk ka të drejtë të mos e paguajë për arsyen se ka qenë i angazhuar në Përfaqësuese.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Neni 11

Nëse paraqitja zyrtare e klubit përputhet me obligimet e Përfaqësueses në të cilën është zgjedhur, lojtari i atij klubi që ka të drejtë të kërkoj shtyrjen e ndeshjes së vet (për kupë apo kampionat) dhe atë për tërë kohën sa lojtari është me Përfaqësuesen. Lojtarit të përzgjedhur në Përfaqësuese nuk i lejohet që në kohën e aktiviteteve të Përfaqësueses të luaj nëpër turne me klubin e vet, përpos në raste kur këtë e lejon-Drejtori i Përfaqësueseve.

Neni 12

Nëse për mospjesëmarrjen apo vonesën e lojtarëve ose të ndonjë tjetër anëtarë të Përfaqësueses në grumbullimet e Përfaqësueses përgjegjës është klubi, atëherë do të dënohet klubi në shumën prej 1000 € deri në 5000 €, e nëse vërtetohet se kjo është bërë ekskluzivisht me fajin e klubit, ndaj këtij klubi mund të merren edhe masat më të rrepta disiplinore konform akteve normative të FBK-së.

Gjatë garave zyrtare të kalendarit të FIBA-s në rast se klubi e ndalon lojtarin për të mos u paraqitur në Përfaqësuese, klubi në fjalë do të ndëshkohet konform akteve normative në fuqi të FBK-së dhe FIBA-s.

III. OBLIGIMET E TRAJNERËVE TË KLUBEVE

Trajneri i klubit të caktuar nga i cili është i ftuar lojtari i asaj skuadre për Përfaqësuese - trajneri I skuadrës nga i cili vjen lojtari i ftuar duhet që të ketë bashkëpunim me Përzgjedhësin e

Përfaqësueses, të realizoj plan-programin kur e kërkon Përzgjedhësi, të kryej stërvitje shtesë me lojtarin e Përfaqësueses kur atë e kërkon Përzgjedhësi, mos t'i bëhet pengesë lojtarit që të shkoj në stërvitje me Përfaqësuese. Në rast të mos përmbajtjes së kësaj Rregulloreje pason dënimi për trajnerin e skuadrës në fjalë nga minimumi 6 deri 12 muaj moskryerje të detyrës si trajner i skuadrës dhe nga 200 deri 500€ dënim në të holla.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

IV. OBLIGIMET E LOJTARËVE

Neni 13

Për Përfaqësuesen e Kosovës mund të angazhohen shtetasit e Kosovës dhe lojtarët me dyshtetësi konform rregulloreve të Federatës Ndërkombëtare të Basketbollit (FIBA).

Neni 14

Pjesë e Përfaqësueses nuk mund të jetë lojtari i suspenduar, i dënuar ose që kundër tij zhvillohet procedurë disiplinore. Në raste të veçanta, me kërkesën e përzgjedhësit, organi i cili zhvillon procedurën disiplinore, mund ta heq suspendimin, gjegjësisht, ta shtyjë procedurën disiplinore.

Neni 15

Lojtari i Përfaqësueses së Kosovës është i obliguar ta përfaqësoj Kosovën dhe basketbollin e Kosovës në garat ndërkombëtare. Lojtari i Përfaqësueses së Kosovës është i obliguar të kontribuoj me tërë dijen dhe angazhimin e vet maksimal për arritjen e rezultateve sa më të mira të Përfaqësueses, dhe të aplikoj rregullat e basketbollit dhe rregullat e “FAIR-PLAY”, si dhe duhet të jetë shembull me sjelljet e tij të mira brenda dhe jashtë fushës së lojës.

Neni 16

Në përgatitjet dhe ndeshjet e Përfaqësuesëve të Kosovës, lojtari i përzgjedhur është i obliguar t'i përmbahet udhëzimeve dhe urdhëresave për stërvitje, ndeshje, qëndrimin në përgatitje, udhëzimeve për shfrytëzimin e pajisjeve, udhëzimeve për ushqim dhe barna, si dhe udhëzimeve të tjera të cilat i parashtron shtabi teknik dhe përzgjedhësi i Përfaqësueses.

Neni 17

Pas përcaktimit të listës së lojtarë (e) ve për kandidat të ndonjëres Përfaqësuese, Drejtori i Përfaqësuesëve, me shkresë fton lojtarët e përzgjedhur për bashkëpjesëmarrje në punën e Përfaqësueses. Ftesa i dorëzohet lojtarit, klubit, apo edhe federatës, në garat e të cilës merr



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

pjesë **dhe konform afateve të përcaktuara nga FIBA**. Ftesa duhet të bëhet nëpërmjet adresës zyrtare të FBK-së.

Neni 18

Ftesa për lojtarin përmban programin e përgatitjeve dhe ndeshjeve, kohën dhe vendin e grumbullimit, si dhe obligimet e lojtarit.

Neni 19

Lojtari është i obliguar t'i përgjigjet ftesës për përgatitje dhe ndeshje të Përfaqësueses. Me marrjen e ftesës për pjesëmarrje në Përfaqësuese krijohen obligimet për lojtarin dhe klubin e tij.

Neni 20

Abstenimi për pjesëmarrje në Përfaqësuese mund të bëhet vetëm me arsye dhe dëshmi. Shkaqe të arsyeshme konsiderohen: rastet e vdekjes ose sëmundjes së rëndë në familje, lëndimi i rëndë ose sëmundja e lojtarit. Shkallën e lëndimit ose të sëmundjes së lojtarit e përcakton mjeku i Përfaqësueses ose Komisioni Mjekësor i caktuar nga FBK.

Neni 21

Në rast të abstenimit, lojtari i ftuar është i obliguar që me shkrim ta njoftoj përzgjedhësin përmes Drejtorit të Përfaqësueses. Abstenimin me shkrim, në afat prej 48 orësh nga pranimi I Ftesës mund ta paraqes edhe klubi në vend të lojtarit. Nëse rrethanat për abstenim krijohen pas marrjes së ftesës, lojtari, gjegjësisht klubi janë të obliguar që me shkrim menjëherë ta njoftojnë përzgjedhësin përmes Drejtorit të Përfaqësueses.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Neni 22

Lojtari i cili abstenon nga pjesëmarrja në Përfaqësuese për shkak të lëndimit ose sëmundjes, është i obliguar që këtë ta paraqesë me shkrim, kurse bashkë me shkresën duhet të paraqesë tërë dokumentacionin mjekësor lidhur me lëndimin ose sëmundjen e tij. Nëse mjeku ose Komisioni Mjekësor i Përfaqësueses vlerësojnë se lojtari duhet kontrolluar nga ana e tyre, lojtari është i obliguar t'i përgjigjet ftesës për kontrollim të mëtejshëm. Në rast se lojtari nuk i përgjigjet ftesës për kontroll të mëtejshëm, do të konsiderohet se mungesa e tij është e paarsyeshme.

Neni 23

Ndaj lojtarit i cili pa arsye vonohet ose nuk i përgjigjet ftesës për grumbullim, ose që gjatë përgatitjeve me veprimet e tij dëmton autoritetin e Përfaqësueses, do të iniciohet procedurë disiplinore në Komisionin Disiplinor të FBK-së. Në raste të dyshimit të bazuar për kundërvajtje për të cilën me Rregullore Disiplinore të FBK-së parashihet dënimi me moslojë deri në një vit, përzgjedhësi i Përfaqësueses, duke iniciuar procedurë disiplinore, propozon pezullimin e lojtarit. Në rast të shqiptimit të masës së pezullimit, në bazë të Rregullores Disiplinore të FBK-së, lojtari i pezulluar nuk ka të drejtë loje për Përfaqësuesen e as për klubin e tij, gjatë tërë kohës së pezullimit.

Neni 24

Përpos dënimit me mos-lojë, për kundërvajtjen e vonesës së paarsyeshme, mos përgjigjes për grumbullim dhe paraqitje në Përfaqësuese, lojtari mund të dënohet me të holla prej 500 deri në 3000 €. Në rast të mos pagesës së dënimit me të holla nga ana e lojtarit, Komesari i Garave mund t'i shqiptoj ndalesën me mos lojë të lojtarit, derisa te paguhet cenimi i shqiptuar.

Neni 25

Për masën e pezullimit, masën e ndalesës për lojë ose dënimin me të holla njoftohet zyra e FIBA-s, nëse këtë e vlerëson të nevojshme Sekretari i Përgjithshëm i FBK-së, por patjetër kur është ne pyetje lojtari që luan për ndonjë klub jashtë vendit, ose është duke realizuar të drejtën e kalimit në një klub jashtë vendit.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Neni 26

Për fazën përgatitore dhe për ndeshje, lojtarit i takon kompensimi për shpenzime të rrugës, shpenzimet e qëndrimit, dhe kompensimi ditor (per diem) në lartësi të përcaktuar me vendimin e Bordit të FBK-së.

Neni 27

FBK siguron pajisjen sportive për secilën Përfaqësuese për lojtaret, përzgjedhësin dhe shtabin profesional të Përfaqësueses. Të gjithë anëtarët e Përfaqësueses janë të obliguar t'i mbajnë pajisjet gjatë tërë kohës së aktivitetit të Përfaqësueses, të cilat i përcakton dhe i siguron FBK.

Neni 28

Lojtarëve, përzgjedhësit dhe shtabit profesional mund t'i ndahen mirënjohje dhe shpërblime monetare, për rezultatet e arritura në gara. Lartësinë e shpërblimit e përcakton Bordi i FBK-së, kurse shpërblimet individuale i propozon përzgjedhësi. Bordi i FBK-së mund të vendosë të shpërblejë me të holla edhe persona të tjerë për të cilët vlerësohet se janë meritore për suksesin e Përfaqësueses.

IV. DREJTORI, PËRZGJEDHËSIT DHE SHTABET PROFESIONALE TË PËRFAQËSUESESEVE TË PËRFAQËSUESEVE TË REJA

Neni 29

- Drejtorin e Përfaqësueses e emëron dhe e shkarkon Bordi i FBK-së.
- Drejtori mund të emërohet për ndonjë aktivitet konkret apo për një periudhë kohore-cikël.
- Periudha kohore mund të zgjat më së shumti 4 vite me të drejtë rizgjedhje pa kufizim.
- Drejtori i Përfaqësueses është përgjegjës për të gjitha çështjet organizative, financiare dhe teknike të Përfaqësuesve.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

- Drejtori bashkëpunon ngushtë me Sekretarin e Përgjithshëm të FBK-së dhe për punën e tij i përgjigjet Sekretarit të Përgjithshëm dhe Bordit të FBK-së.
- Në rast nevojë Drejtori mund të kërkojë që Bordi të emëroj zëvendës drejtor të Përfaqësueseve për femra dhe përfaqësuesve për të rinj.
- Me vendimin e Bordit të FBK-së për emërimin e përzgjedhësit përcaktohet edhe statusi juridiko-punues i drejtorit, gjegjësisht përcaktohet nëse me Drejtorin do të behet kontratë për punë në kohe të caktuar apo kontratë mbi vepër.
- Drejtori duhet të ketë:
 - *përvojë në basketboll si lojtarë ose trajnerë;*
 - *të këtë aftësi organizative dhe të marketingut;*
 - *të flasë së paku një gjuhë zyrtare të FIBA-s.*
- Përgjegjësitë e Drejtorit të Përfaqësueseve të Kosovës do të përshkruhen në detaje në kontratën e përgatitur nga sekretariati i FBK-së.

Neni 30

Secila Përfaqësuese nga pika 4 e kësaj rregulloreje ka përzgjedhësin të cilin e emëron Bordi i FBK-së me propozim të Këshillit Profesional dhe në bashkëpunim me Drejtorin e Përfaqësueseve dhe Drejtorin Teknik të FBK-së.

Statusi, të drejtat dhe detyrat e përzgjedhësit, më për se afërmi përcaktohen me kontratë pune për periudhën e caktuar, për të cilën emërohen nga Bordi i FBK-së.

Neni 31

Përzgjedhësi emërohet për ndonjë aktivitet të Përfaqësueses, kualifikime, gara ose për ndonjë periudhë kohore-cikël.

Me vendimin e Bordit të FBK-së për emërimin e përzgjedhësit përcaktohet edhe statusi juridiko-punues i përzgjedhësit, gjegjësisht përcaktohet se me përzgjedhësin do të nënshkruhet kontratë mbi vepër, do të thotë për periudhën kohore që ai do të kryej punën në detyrën e përzgjedhësit.

Në kontratën mbi vepër do të precizohet periudha për kohën sa përzgjedhësi do të paguhet nga FBK, për formën e pagesës dhe të gjitha detajet tjera financiare.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Neni 32

Me rastin e emërimit të përzgjedhësve të Përfaqësueseve, secili prej tyre në afat kohor prej një muaji që nga data e emërimit do të dorëzoj Planin e Punës për Përfaqësuesen që është emëruar.

Plani i Punës duhet të dorëzohet tek Këshilli Profesional, ndërsa është Drejtori i Përfaqësueseve, i cili së bashku me Këshillin Profesional e mbikëqyr punën e përzgjedhësit dhe programin e punës së tij.

Drejtori i Përfaqësueseve dhe Këshilli Profesional në baza javore e mujore e informojnë Sekretarin e Përgjithshëm për ecurinë e Planit të Punës të përzgjedhësit.

Listën e gjerë për çdo Përfaqësuesë e përcakton Përzgjedhësi i Përfaqësueses nën mbikëqyrjen nga Këshilli Profesional dhe Drejtorit të Përfaqësueseve.

Neni 33

Me të përfunduar aktiviteti i Përfaqësueses, përzgjedhësi është i obliguar edhe me kontratë mbi vepër të raportoj tek Bordi i FBK-së. Nëse përzgjedhësi nuk e dorëzon raportin tek Bordi, atëherë Bordi do t'i referohet neneve të kontratës, në të cilat janë të precizuara ndëshkimet në rast të mos-përmbushjes së detyrave.

Neni 34

Përzgjedhësit dhe shtabet profesionale të Përfaqësueseve janë të obliguara t'i përmbahen Statutit të FBK-së, kësaj Rregulloreje, Rregullores së Punës të Këshillit Profesional dhe akteve tjera të përgjithshme të FBK-së.

Neni 35

Përzgjedhësit kryejnë këto punë:

- Bashkëpunojnë në hartimin e Planit të Punës të aktivitetit të Përfaqësueses.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

- Përcaktojnë planin e aktiviteteve konkrete të Përfaqësueses.
- Propozojnë listën e gjerë të kandidatëve për çdo aktivitet dhe garë.
- Përcaktojnë listën e ngushtë të anëtarëve të Përfaqësueses për çdo aktivitet dhe garë.
- Në mënyrë profesionale udhëheqin stërvitjet dhe ndeshjet e Përfaqësueseve.
- Përgatisin plane dhe programe individuale për punë të anëtarëve të Përfaqësueseve nëpër klube dhe mbikëqyrin realizimin e tyre.
- Përcjellin përparimin ose zhvillimin e basketbollistëve të rinj, kandidat potencial.
- Marrin pjesë në punën e Këshillit Profesional kur është e nevojshme.
- Paraqesin raport me shkrim për përgatitjet dhe ndeshjet në afat prej 30 ditësh, pas përfundimit të përgatitjeve apo aktiviteteve dhe garave të mbajtura.
- **Së bashku me ndihmësit e tyre dhe i raportojnë për punën e tyre Këshillit Profesional dhe Drejtorit të Përfaqësueseve të Kosovës.**
- Marrin pjesë në takime të ftuara nga Bordi i FBK-së, dhe trupave të tjera të FBK-së kur shqyrtohen tema profesionale me interes për Përfaqësuesen.

V. PËRZGJEDHËSI I PËRFAQËSUESES A (SENIOR)

Neni 36

Përzgjedhësi i Përfaqësueses A (senior) të meshkujve emërohet nga Bordi i FBK-së për periudhën të cilën ia cakton ky Bord.

- Për përzgjedhës të Përfaqësueses të meshkujve mund të përzgjidhet personi që përpos kushteve të përcaktuara me ligj, duhet t'i plotësoj edhe këto kushte:
- Së paku të këtë titullin e trajnerit të lartë të basketbollit;
- Të këtë rezultate të larta me klube të cilësisë së lartë;
- Të flasë njëherë nga gjuhët zyrtare të FIBA-së.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Neni 37

Përzgjedhësi i Përfaqësueses A të meshkujve mund të shkarkohet nga detyra edhe para skadimit të afatit kohor që është emëruar:

- Nëse për shkak të jo efikasitetit të realizimit të Planit të Punës kanë munguar rezultatet e pritura;
- Nëse me veprimet e veta dëmton autoritetin e basketbollit kosovar, FBK-në e veçanërisht autoritetin e Republikës së Kosovës;
- Për shkaqe të parapara me ligj ose kontratë në mes të përzgjedhësit dhe FBK-së.

Neni 38

Në rast të shkarkimit nga detyra e përzgjedhësit, të dorëheqjes ose në raste të tjera, Bordi i FBK-së me propozimin e Këshillit Profesional emëron ushtruesin e detyrës ose përzgjedhësin e ri të Përfaqësueses së meshkujve në konkurrencën e seniorëve.

VI. PËRZGJEDHËSIT E PËRFAQËSUESEVE TJERA

Neni 39

Të gjithë Përzgjedhësit e Përfaqësueseve të tjera sipas nenit 4 të kësaj Rregullore i emëron Bordi i FBK-së me propozim të Këshillit Profesional.

Përzgjedhësit duhet të jenë:

- Trajner i licencuar në FBK;
- Të jetë i dëshmuar me sukses në kategorinë gjegjëse;
- Të jetë trajner me kualifikime të larta apo me shkollim superior të basketbollit;
- Të njohë së paku një gjuhë zyrtare të FIBA-s;

Përzgjedhësi mund të shkarkohet nga detyra edhe para skadimit të afatit kohor që është emëruar:



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

- Nëse për shkak të jo efikasitetit të realizimit të Planit të Punës kanë munguar rezultatet e pritura;
- Nëse me veprimet e veta dëmton autoritetin e basketbollit kosovar, FBK-në e veçanërisht autoritetin e Republikës së Kosovës;
- Për shkaqe të parapara me ligj ose kontratë në mes të përzgjedhësit dhe FBK-së.

VII. SHTABET PROFESIONALE TË PËRFAQËSUESESEVE SHTETËRORE

Neni 40

Përpos përzgjedhësit të Përfaqësueses nga pika 4 e kësaj Rregulloreje, formohet Shtabi Profesional në të cilin bën pjesë një ose me shumë trajnerë, trajneri kondicional, mjeku dhe fizioterapeuti.

Përzgjedhësi i Përfaqësueses mund të kërkoj nga Drejtori i Përfaqësueses që t'i sigurohet bashkëpunëtori-trajneri.

Neni 41

Anëtarët e Shtabit Profesional i emëron Bordi i FBK-së me propozimin e përzgjedhësit, mjekun dhe fizioterapeutin i emëron Drejtori i Përfaqësueses me rekomandimin paraprak të Shoqatës së Mjekësisë Sportive që vepron në basketbollin kosovar.

Neni 42

Trajnerët dhe fizioterapeutët e Përfaqësueses bashkëpunojnë në punën e Përfaqësueses prej momentit të grumbullimit deri në përfundim të çfarëdo aktiviteti apo garë.

Mjekët e Përfaqësueses bashkëveprojnë në punën me Përfaqësuesen prej fillimit të garimit ose sipas nevojës, kurse me Përfaqësuesen A senior të meshkujve veprojnë prej momentit të grumbullimit të ekipit për aktivitet të veçantë gjegjësisht garë të veçantë. Mjekët dhe fizioterapeutët e Përfaqësueses bashkëpunojnë me mjekët dhe fizioterapeutët e klubeve, mbikëqyrin gjendjen shëndetësore dhe propozojnë trajtim shëndetësor të kandidatëve për Përfaqësuesen, si dhe mbajnë evidencën shëndetësore të tyre.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Neni 43

Përzgjedhësi ose anëtari i shtabit profesional i cili gjatë punës me Përfaqësuese me veprimet e veta dëmton autoritetin e FBK-së ose basketbollit, përveç dënimit kohor të kryerjes së detyrës në kohëzgjatje prej një viti, dënohet edhe me të holla në shumën prej 2000 deri në 5000 €. Ndaj përzgjedhësit ose anëtarit të Shtabit Profesional Bordi i FBK-ës inicon procedure disiplinore për dëmtimin e autoritetit të FBK-ës, ose basketbollit kosovar në tërësi.

Neni 44

Përzgjedhësve dhe anëtarëve të shtabeve profesionale u takojnë kompensimet për shpenzime të rrugës, shpenzimet e qëndrimit dhe kompensimet ditore (per diem) në lartësi të përcaktuar me vendimin e Bordit të FBK-së.

VIII. DELEGACIONI I FEDERATËS SË BASKETBOLLIT TË KOSOVËS DHE

UDHËHEQËSI I DELEGACIONIT

Neni 45

Pjesë përbërëse e secilit delegacion të Përfaqësueseve duhet të jetë udhëheqësi i delegacionit (konform rregullave të FIBA-s), të cilin e emëron Bordi i FBK-së me propozim të Sekretarit të Përgjithshëm. Udhëheqësi i delegacionit duhet të përmbahet në përpikëri Udhëzuesit dhe Kodit të Etikës të FIBA-s. Udhëheqësi i delegacionit është përgjegjës për Përfaqësuesen prej fillimit e deri në përfundim të aktivitetit. Udhëheqësve të delegacioneve u takojnë kompensimet për shpenzime të rrugës, shpenzimet e qëndrimit dhe kompensimet ditore (per diem) në lartësi të përcaktuar me vendimin e Bordit të FBK-së.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

IX. SIGURIMI I ANËTARËVE TË PËRFAQËSUESES

Neni 46

Lojtarët, përzgjedhësit dhe anëtarët e shtabeve profesionale gjatë kohës së përgatitjeve ose të garave të Përfaqësueseve të Reja në rast se lëndohen, FBK i merr përsipër mbulimin e shpenzimeve të tyre.

Lojtarët e Përfaqësueses A gjatë garave zyrtare të FIBA-s e kanë të mbuluar sigurimin në momentin e hapjes së Dritareve në kuadër të garave kualifikuese, apo parakualifikuese për FIBA EuroBasket apo FIBA Kupa e Botës.

X. DISPOZITAT E PERGJITHSHME

Neni 47

Bordi i FBK-se përmes udhëzimeve përcakton:

Standardet për të gjitha Përfaqësueset, për numrin e lojtareve, shtabet profesionale, numrin e anëtarëve të Përfaqësueses, numrin e ditëve për përgatitje, vendosjen, stërvitjet, transportin, llojin e pajisjeve sportive, etj. Bordit udhëzimet ia propozon Drejtori i Përfaqësueseve në bashkëpunimin me Sekretarin e Përgjithshëm.

Neni 48

Ndryshimet dhe plotësimet e kësaj Rregulloreje bëhen në mënyrë dhe procedurë sikur me rastin e miratimit të saj.

Interpretimin e kësaj Rregulloreje e bën Bordi i FBK-së.

Neni 49

Rregullorja hyn në fuqi ditën e miratimit.



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

Miraturar në Prishtinë, më 07.06.2021.

Arben FETAHU

Kryetar



Federata e Basketbollit të Kosovës